

BOSNA I HERCEGOVINA
FEDERACIJA BIH
KANTON SARAJEVO
OPĆINSKI SUD U SARAJEVU
Broj: 65 0 St 1016204 23 St
Sarajevo, 22.03.2023. godine

Općinski sud u Sarajevu, stečajni sudija Hakija Zajmović, rješavajući po prijedlogu predlagača – dužnika Preduzeće za rehabilitaciju, osposobljavanje i zapošljavanje invalida oštećenog sluha „Librag“ d.o.o. Sarajevo, ulica Sagrdžije br. 73 Sarajevo, da se nad predlagačem kao dužnikom otvori stečajni postupak, donio je dana 22.03.2023. godine slijedeće

R J E Š E N J E

Pokreće se prethodni postupak radi utvrđivanja da li postoje uslovi za otvaranje stečajnog postupka nad imovinom stečajnog dužnika Preduzeće za rehabilitaciju, osposobljavanje i zapošljavanje invalida oštećenog sluha „Librag“ d.o.o. Sarajevo, ulica Sagrdžije br. 73 Sarajevo.

Za privremenog stečajnog upravnika imenuje Duljko Hasić iz Sarajeva, ulica ulica Branislava Đurđeva 10, osoba sa liste stečajnih upravnika.

Privremeni stečajni upravnik će:

- osigurati i starati se o imovini dužnika,
- izvršiti pregled dužnikovih poslovnih prostorija i izvršiti uvid u poslovne knjige i dokumentaciju dužnika,
- utvrditi da li postoji razlog za otvaranje stečajnog postupka,
- ispitati da li imovina stečajnog dužnika može pokriti troškove stečajnog postupka,
- utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka,
- izvršiti kontrolu poslovanja,
- utvrditi da li je predlagač podnio prijedlog za otvaranje stečajnog postupka u roku od 60 dana od dana nastupanja platežne nesposobnosti. Ukoliko nije pokrenut postupak u roku od 60 dana od dana nastupanja platežne nesposobnosti navesti koliko vremena je prošlo od navedenog/propisanog roka.

Privremeni stečajni upravnik je dužan podnijeti izvještaj u roku od 30 dana od dana imenovanja, u kojem će izvijestiti o poduzetim radnjama i iznijeti svoje stručno mišljenje.

Mjere pojedinačnog prinudnog izvršenja pokrenute protiv stečajnog dužnika privremeno se obustavljaju, izlučna i razlučna prava povjerioci ne mogu ostvarivati u prethodnom postupku.

Pozivaju se povjerioci da predlože mjere osiguranja nad predmetima i imovinom stečajnog dužnika.

Ovo rješenje ima se oglasiti na oglasnoj tabli ovog suda istog dana.

Rješenje se ima dostaviti Registru pravnih lica ovoga suda, radi upisa zabilježbe prethodnog postupka u matičnom registarskom broju subjekta upisa broj 1-16332.

O b r a z l o ž e n j e

Prijedlogom od 17.01.2023. godine predlađač Preduzeće za rehabilitaciju, osposobljavanje i zapošljavanje invalida oštećenog sluha „Librag“ d.o.o. Sarajevo, ulica Sagrdžije br. 73 Sarajevo je predložio da se nad ovim pravnim licem kao dužnikom otvori stečajni postupak.

Predlađač navodi da se na strani dužnika stekao stečajni razlog, te da postoje uslovi za otvaranje i provođenje stečajnog postupka nad njim kao dužnikom.

Radi utvrđenja da li postoji stečajni razlog i da li postoje svi uslovi za otvaranje stečajnog postupka, sud je odlučio imenovati privremenog stečajnog upravnika u osobi Duljko Hasić iz Sarajeva, ulica ulica Branislava Đurđeva 10, lice sa liste stečajnih upravnika, kome je sud naložio da utvrdi da li postoji razlog za otvaranje stečajnog postupka, da li imovina stečajnog dužnika može pokriti troškove stečajnog postupka, te pozvao povjerioce da predlože mjere osiguranja nad predmetima i imovinom stečajnog dužnika, a izrečena je i mjera kojom se pojedinačna prinudna izvršenja pokrenuta protiv dužnika privremeno obustavljaju.

Odlučeno je i da se ovo rješenje ima evidentirati u Registru Općinskog suda radi zabilježbe pokretanja prethodnog postupka.

Radi svega izloženog, a na osnovu člana 61., 63., 65. i 66. Zakona o stečaju, odlučeno je kao u izreci ovoga rješenja.

STEČAJNI SUDIJA
Hakija Zajmović

POUKA: Protiv ovog rješenja žalba nije dozvoljena.

Rješenje dostaviti:

- predlagaču
- privremenom stečajnom upravniku
- Registru pravnih lica ovoga suda
- oglasna tabla suda
- Službene novine F BiH
- FIA
- WEB stranica